

Nr 844

Stáhtaráđi mearrádus suodjevuvddiid birra

Addojuvvon Helssegis skábmamánu 12. beaivve 1998

Stáhtaráđdi lea Eana- ja meahccedoalloministeriija árvalusa vuodul mearridan juovlamánu 12. beaivve 1996 addojuvvon vuovdelága (1093/1996) 12 §:a 1 momeantta vuodul:

1 §

Suodjevuovdeguovllu rájiid mearrideapmi

Suodjevuovdeguvlui gullet Lappi leanas Eanodaga ja Ohcejoga gielddat ollásit ja Anára, Gihtela, Kolari, Muonio, Salla, Savukoski ja Soađegili gielddain dat guovllut, maid rájit leat gevvojuvvon ja merkejuvvon meahccái juovlamánu 13. beaivve 1979 gittaopmodatregistarii merkejuvvon eana-mihtidandoaimmahusas nr 823.

2 §

Vuovdedoallu suodjevuovddis

Suodjevuovdeguovllus vuovddi galgá dikšut ja geavahit erenoamáš várrugasat ja nu, ahte ordaráđji ii njeje vuollelebbui doaibmajuid geažil.

3 §

Vuovddi ođasmahttin

Vuovddi ođasmahttima vuodđun suodjevuovdeguovllus sáhtta leat vuvddiid lunddolaš ođasmuvvan, ođasmahttin siepmaniid gilvimiin dahje vesáid ceaggumiin dahje máinnašuvvon vugiid sáhtta maiddá geavahit ovtas vuovddi ođasmahttimis. Ulbmilin lea geavahit lunddolaš ođasmahttima álo, go dat lea vuovdelága (1093/1996) 5 §:a 2 momeantta mielde vejolaš.

Siepmaniid gilvimiin dahje vesáid ceaggumiin dáhpáhuvvi vuovddi ođasmahttimis galgá viggat dasa, ahte eai ođasmahttojuvvo hávil menddo viiddis oktílaš guovllut.

4 §

Čuohppan- ja ođasmahttinplána

Vuovdelága 12 §:a 2 momeanttas oaiivilduvvon čuohppan- ja ođasmahttinplánas galget leat mielde vuovdeásahusa (1200/1996) 9 §:a 1 ja 2 momeanttas oaiivilduvvon dieđut. Dasa lassin plánas galget leat dieđut čuohppanláhkai merkejuvvon vuovdebihtá muoraid geasus ovdal čuohppama ja dan maŋŋá.

Vuovdeguovddáš sáhtta 1 momeanttas oaiivilduvvon dieđuid lassin gáibidit čuohppamii ja vuovddi ođasmahttimii guoski eará dieđuid vuovddi ođasmahttima dorvvasteami várás, jos báikkálaš dilálašvuodát dan gáibidit.

5 §

Ođasmahttima čuovvun

Vuovdedutkanlágádusa bargun lea čuovvut suodjevuovdeguovllu vuvddiid ja Lappi ja Oulu leana alla sajiid ođasmahttima. Vuovdeguovddáš, man doaibmaguovllus suodjevuovdáid gulli ođasmahttinguovlu lea, lea geatnegahttojuvvon leat veahkkin Vuovdedutkanlágádusas čuovvuma ollašuhttimis.

Vuovdedutkanlágádus galgá doaimmahit čilgehusa vuvddiid ođasmahttima bohtosis vuovdedoalloássiin doaibmaválddalaš ministeriijai ja vuovdeguovddáži juohke logát jagi. Vuosttas čilgehus galgá doaimmahuvvot maŋimustá juovlamánu 31. beaivve 2001.

Jos Vuovdedutkanlágádus ovdal 2 momeanttas oaiivilduvvon logijagibaji nohkama fuobmá odasmuvvama leat v́aras eahpelihkostuvvat, de dat galgá almmuhit áššis vuovdedoalloáššiin doaimaválddálaš ministeriijai ja áššáigullevaš vuovdeguovddáži ja dahkat dili divvuma v́aras dárbbášlaš evttohusa.

6 §

Fápmuiboahhtin

Dát mearrádus boahhtá fápmui odđajagimánu

Helssegis skábmamánu 12. beaivve 1998

1. beaivve 1999. Dan dihte, ahte mearrádusa fápmuiboahhtima ii sáhte almmolaš ovddu dihte mañidit, mearrádusa berre čuovvut hálddahusgeavatlága (586/1996) 31 §:a 2 momeantta vuodul vejolaš nuppástusohcamušas fuolakeahhtá.

7 §

Nuppástusaohcan

Dán mearrádusas oažžu váidit Alimus hálddahusriektái nu, go hálddahusgeavahanlágas (586/1996) mearriduvvo. Váidinčujuhus čuovusin.

Eana- ja meahccedoalloministtar *Kalevi Hemilä*

Vuovderáđdi Jouko Paloniemi

VÁIDINČUJUHEAPMI

Váidineiseváldi

Dán mearrádussii duhtameahtton oažžu ohcat dasa nuppástusa Alimus hálddahasrievttis čálalaš váidagiin. Váidinreive čujuhuvvo váidineiseváldái ja galgá doaimmahuvvot váidináiggi sisa Alimus hálddahasrievtti registrerenkantuvrii.

Váidináigi

Váidda galgá dahkkojuvvot 30 beavvi sisa mearrádusa diehtunoažžumis. Váidináiggi rehkenasttedetiin diehtunoažžunbeaivi ii válđojuvvo lohku. Jos váidináiggi mañimuš beaivi lea bassebeaivi, lávvar-dat, iehčanasvuodabeaivi, válborbeaivi, juovlaruohtta dahje mihcamarruohtta, de váidináigi joatkašuvvá vel dan mañit árgabeaivve.

Diehtunoažžunbeaivi lea čihččet beaivi dan beavvis, go gulahus dán mearrádusa oaidninláhkaidoal-lamis lea biddjojuvvon áššáigulleaš gieldda almmuhusdávvalii.

Váidaga sisdoallu

Váidinreivves galgá almmuhit

— váidi nama ja ruovttugieldda

— mearrádusa, masa nuppástus ohccojuvvo, gokko bokte mearrádussii háliiduvvo nuppástus, mat nuppástusaid dasa galget dahkkojuvvot ja makkár ákkaiguin nuppástus gáibiduvvo

— poastačujuhusa ja telefonnummira, maidda áššái guoski almmuhusaid váidái sáhttá doaimmahit.

Jos váidi hállanválddi geavaha su lágalaš ovddasteaddji dahje áššealmmái dahje jos váidaga lea dahkan juoga eará olmmoš, de váidinreivves galgá almmuhit maiddái dán nama ja ruovttugieldda.

Váidi, lágalaš ovddasteaddji dahje áššealmmái galget vuolláicállit váidinreivve.

Váidaga žuvvosat

Váidinreivvi galgá laktit

— stáhtarádi čoahkkima beavdegirjeváldosa, mas lea mielde mielddus stáhtarádi mearrádusas

— čilgehusa váidináiggi álginbeavvis

— áššealbmá váldegirjji

— eará áššegirjjiid, maidda váidi čujuha iežas gáibádusa doarjjan, jos dat eai leat juo ovdal doaimma-huvvon eiseváldái.

Stáhtarádi čoahkkima beavdegirjeváldosa sáhttá diŋgot stáhtarádi kansliijas, poastačujuhush PB 275, 00171 Helsset. Tel. 09-1602043 ja 09-1602065. Beavdegirjeváldosis berrojuvvo lotnumáksu.

Váidinreivve doaimmaheapmi Alimus hálddahasriektái

Váidinreivve sáhttá doalvut váidi ieš dahje su fápmudan áššealmmái Alimus hálddahasriektái. Dan sáhttá iežas ovddasvástadusain maiddái sáddet poastta mielde dahje lágideit áirasa fárus. Postii váidin-reive galgá guđđojuvvot áiggil, vai geargá Alimus hálddahasriektái mañimustá váidináiggi mañimuš beaivve ovdal giddeáiggi. Alimus hálddahasrievtti registrerenkantuvra lea rabas d. 8.00—16.15.

Váidis berrojuvvo Alimus hálddahasrievttis riektegeavvanmáksu 1 000 márkki. Lágas (701/1993) lea mearriduvvon mávssuin, mat berrojuvvojit duopmostuoluid ja muhtun vuoigatvuodahálddahuseiseváld-diid doaimmahusain, ja das lea sierra mearriduvvon, makkár dáhpusain máksu ii berrojuvvo.

Alimus hálddahasriekti

poastačujuhush PB 180, 00131 Helsset

sisaboahčinčujuhush Unioninkatu 16, 00130 Helsset

telefovdna (09) 18531

faksa (09) 1853 382